



ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 188 (12.749)

Баҳоси эркин нарҳда

ПОЙТАХТНИНГ БИР КУНИ



ДАСТУРИЙ ТАЪМИНОТ САНОАТИ САЛОҲИЯТИНИНГ НАМОЙИШИ

Пойтахтимиздаги Ёшлар ижод саройида «InfoCOM – 2014» ахборот-коммуникация технологиялари ҳафталигининг дастлабки тадбирлари – Ўзбекистон дастурчилари форуми ва «BestSoft Uzbekistan – 2014» миллий дастурий маҳсулотлар кўргазмасининг очилиши бўлиб ўтди.

Очилиш маросимида Ўзбекистон Республикаси Алоқа, ахборотлаштириш ва телекоммуникация технологиялари давлат қўмитаси раисининг ўринбосари Алишер Файзуллаев ва бошқалар иқтисодиёт ҳамда ижтимоий ҳаётнинг барча соҳаларига ахборот-коммуникация технологиялари кенг жорий этилиши самарасида мамлакатимиз дастурий таъминот саноати барқарор ва жадал ривожланиб бораётганини таъкидлади. Президентимиз Ислон Каримовнинг 2013 йил 20 сентябрда қабул қилинган «Мамлакатимизнинг дастурий таъминот воситалари ишлаб чиқувчиларини рағбатлантиришни янада кучайтириш чора-тадбирлари тўғрисида»ги Қарори дастурий ишланмалар соҳасини янада ривожлантиришда муҳим аҳамият касб этмоқда.

Ҳар йили ўтказиб келинаётган Ўзбекистон дастурчилари форуми ва «BestSoft Uzbekistan» миллий дастурий маҳсулотлар кўргазмасида мамлакатимиз дастурий таъминот саноатида эришилаётган ютуқлар намоён этилмоқда.

Форум дастуридан миллий дастурий таъминот воситалари ишлаб чиқувчилари учун берилган преференция ва имтиёзлар, software.uz порталининг мамлакатимиз дастурчиларини қўллаб-қувватлаш ва уларнинг муаллифлик ҳуқуқларини ҳимоя қилишга қаратилган долзарб хизматлари, дастурий таъминот воситаларини синовдан ўтказиш жараёнининг ўзига хос хусусиятлари, мобил банкнинг тизимини ривожлантириш каби муҳим масалалар муҳокама ўрин олган.

«Ахборотлаштириш тўғрисида»ги Ўзбекистон Республикаси қонунига интернет жаҳон ахборот тармагини ўз веб-сайтига ижтимоий-сиёсий, иқтисодий ва бошқа хусусиятларга эга барча эркин фойдаланиши мумкин бўлган ахборотни жойлаштирувчи «блогер» тушунчасининг киритилиши муҳокама учун асосий мавзуга айланди.

Мамлакатимизда ахборот-коммуникация муҳитининг тараққиёт этиб бораётгани блог соҳасига ҳам ўз таъсирини кўрсатди, – дейди ҳуқуқшунос ва блогер Хушнудбек Худойбердиев. – Турли касб эгалари ўзининг шахсий шахсиятини очиб, унда ижтимоий-сиёсий ҳаёт, спорт, пазандалик, адабиёт ва санъат бўйича фикр-мулоҳазаларини баён этмоқда. Ушбу тенденциянинг ҳуқуқий асосларини яратиш ва мустаҳкамлаш блог соҳасини ривожлантиришда муҳим босқичга айланди.

Форум билан бирга Марказий Осиёдаги энг йирик «BestSoft Uzbekistan – 2014» дастурий маҳсулотлар кўргазмаси ҳам ўтказилмоқда. Унда кенг жамоатчилик ва ахборот-коммуникация технологиялари соҳаси мутахассислари Ўзбекистонда дастурий таъминот воситаларини яратиш ва қўллаш амалиёти, миллий дастурий таъминот саноатини ривожлантириш истиқболлари билан атрофлича танишиши имконига эга бўлмоқда.

Кўргазмада қирқдан зиёд экспонент турли соҳалар учун мўлжалланган ўз ишланмаларини намоён қилаётди. Чунончи, Ўзбекистон Республикаси Халқ таълими вазирлиги ҳузуридаги Умумтаълим мультимедиа дастурларини ривожлантириш маркази қатор электрон таълим ресурслари, ма-софадан туриб ўқитиш тизими, мактаб ўқувчилари учун интерфаол ўйинлар тақдим этган. Ушбу марказ томонидан етти тилда мактаб дарсликлари-нинг электрон шакллари яратилган бўлиб, улар билан интернет тармоғи орқали танишиш мумкин.

«Mednetsoft» масъулияти чекланган жамияти лойиҳалари кенг қўлмалли тиббиёт мавзуси, жумладан, соғлом турмуш тарзи, эмлаш, оғир касалликлар ҳамда травматология бағишланган сайтлари ўз ичига олган. Тиббиёт ва фармацевтика соҳаларининг виртуал кўргазма маркази – uzmedexpo.uz сайти компания дастурчилари томонидан яратилган энг қизиқарли ишланмалардан биридир. Фирма директори Эмиль Валитовнинг таъкидлашича, ушбу лойиҳа 3D, яъни одатдаги кўргазманинг уч ўлчамли модели ҳисобланади. Мазкур лойиҳа тиббиёт техникаси ишлаб чиқарувчилар, фармацевтика компаниялари ва тиббиёт муассасаларининг ўзаро ҳамкорлигини соддалаштиришга хизмат қилади.

Кўргазмада «Fortek» хусусий корхонаси «VEGA ERP» дастури – корхона ресурсларини режалаштириш тизими билан иштирок этмоқда. Компания менежери Екатерина Носкованин сўзларига кўра, ушбу тизим ишлаб чиқариш ва савдо корхоналарини бошқариш, хусусан, ишлаб чиқариш ва бюджетни, миқдорлар билан ишлашни режалаштириш ва товарларни сотишга ёрдам беради.

Компаниямиз ишлаб чиқариш жараёнини бошқаришни соддалаштириш учун бир неча дастурларни тақдим этмоқда, – дейди «Newmax Technologies» МЧЖ менежери Азим Файзиев. – Ходимлар иш вақтини ҳисобга олиш, уларнинг иш самарадорлигини назорат қилиш ва оптималлаштириш имконини берадиган «BioTrack» тизими шундай дастурлардан биридир. Айни пайтда ушбу дастурдан эллиқдан зиёд компания фойдаланмоқда.

Тошкент ахборот технологиялари университети талаба ва магистрантлари бошланғич синф ўқувчилари учун инглиз тилидаги мультимедиа электрон дарслик, «Android» платформасида ишлайдиган смартфонлар учун интерфаол лўғат-илова, дастурлаш бўйича ўқув дастурлари каби ўз ишланмаларини тақдим этмоқда. Ёш дастурчиларнинг ишланмалари кўргазма иштирокчиларида катта қизиқиш уйғотмоқда.

Кўргазма доирасида маҳорат сабоқлари, тақдирот ва таълим семинарлари ҳам ўтказилади.

(ЎЗА)

Кичик бизнес ва хусусий тадбиркорлик

ЭКСПОРТ ИМКОНИАТЛАРИ КЕНГАЙМОҚДА

Президентимиз Ислон Каримов раҳнамолигида мамлакатимиз ижтимоий-иқтисодий ҳаётида амалга оширилаётган кенг қўлмалли ислохотлар жараёнида кичик бизнес ва хусусий тадбиркорликни қўллаб-қувватлаш, тармоқ фаолиятини янада ривожлантириш учун имкониятларни кенгайтиришга алоҳида эътибор қаратилмоқда.

Ушбу жараёнда Ўзбекистон Республикаси Ташқи иқтисодий фаолият миллий банки ҳузуридаги Кичик бизнес ва хусусий тадбиркорлик субъектларининг экспортини қўллаб-қувватлаш жамғармаси муҳим ўрин тутмоқда. Жамғарма хусусий тадбиркорлик субъектлари экспорт салоҳиятини оширишга ҳуқуқий, молиявий ва ташкилий жиҳатдан қўмаклашмоқда. Бунинг самарасида иқтисодиётимиз таркибиде хусусий сектор ўрни тобора мустаҳкамланиб бораётди. Кичик бизнес ва хусусий тадбиркорлик субъектларининг экспортини қўллаб-қувватлаш жамғармасининг маркетинг ва ташқи бозорларни ўрганиш бўлими бошлиғи Камолитдин НУРМАТОВ ЎЗА муҳбирига бу ҳақда қуйидагиларни сўзлаб берди:

– Жамғарма маҳаллий ишлаб чиқарувчилар учун ишончли ҳамкорлар топиш мақсадида ташқи бозорни ўрганиб, хорижий давлатлар билан ўзаро манфаатли савдо-иқтисодий ҳамкорликни йўлга қўймоқда, – дейди К.Нурматов. – Бугунги кунда жамғарма Европа, Марказий ва Жануби-Шарқий Осиё, Африка, Яқин ва Ўрта Шарқ мамлакатларида ўзининг юздан ортиқ ҳамкорига эга. Ҳамкорлик қўламини янада кенгайтириш бўйича изчил ишлар давом эттирилмоқда.

Корея Республикаси Кичик ва ўрта бизнес корпорацияси раҳбарияти билан ўтказилган учрашувда икки мамлакат ишбилармон доиралари ўртасида савдо-иқтисодий муносабатларни янада ривожлантириш масалалари муҳокама этилди. Шу муносабат билан жорий йилнинг ноябрь ойида Ўзбекистон – Жанубий Корея бизнес-форуми ва кооперация биржасини ўтказишга келишиб олинди.

Мамлакатимизда ишлаб чиқарилган маҳсулотлар бўйича ўтказилган маркетинг тадқиқотлари халқаро ҳамкорлик учун кенг имкониятлар очмоқда. Масалан, юртимиз мева-сабзавот маҳсулотлари ишлаб чиқарувчилари ва «Азбука вкуса», «Ашан», «Вестер», «Призма», «MetroCash&Carry» каби йирик хорижий савдо тармоқлари ўртасида алоқалар йўлга қўйилди.

Бундан ташқари, Тошкент, Сирдарё ва Жиззах вилоятларидаги фермерларга мева-сабзавот маҳсулотларини хорижий мамлакатларга экспорт қилиш борасида ёрдам кўрсатилаётди.

Мамлакатимиз ва чет эллик ишбилармон доира вакиллари иштирокида мунтазам ўтказиб келинаётган бизнес-форумлар кооперацияни янада ривожлантиришга қўмаклашмоқда. Шунингдек, жамғарма www.all.biz ва www.telcot.com каби электрон савдо майдонлари билан ҳам фаол ҳамкорлик қилмоқда.

Фонд кўмагида амалга оширилган ишлар самарасида мамлакатимизнинг қарийб 660 тадбиркорлик субъекти умумий қиймати 630 миллион АҚШ долларидан зиёд миқдордаги товар ва хизматларни экспорт қилди.

Бобур ОБИДОВ
ёзиб олди



МАМЛАКАТИМИЗДА

• Сирдарё вилоятида аҳолини табиий ва суюлтирилган газ билан таъминлаш даражасини янада яхшилашга алоҳида эътибор қаратилмоқда. Бу йўналишдаги ишлар доирасида Гулистон шаҳрида аҳолига суюлтирилган газ етказиб беришга мўлжалланган навбатдаги пункт қурилиб, фойдаланишга топширилди.

• Нукус шаҳридаги «Нукус мироб» масъулияти чекланган жамияти мамлакатимизда яратилаётган имкониятлардан самарали фойдаланиб, ўн турдан зиёд ичимлик суви ишлаб чиқармоқда. 2013 йилда фаолият бошлаган корхона маҳсулотлари қисқа вақт ичида нафақат Қорақалпоғистон Республикаси, балки қўшни вилоятларда ҳам ўз харидорини топиб улгурди.

• Самарқанд вилояти ахборот-ресурс марказида «Соғлом бола йили» Давлат дастури ижроси доирасида «Болалар китоби» фестивали ташкил этилди.

• Андижон шаҳридаги «Шарк юлдузи» масъулияти чекланган жамиятида ишлаб чиқарилаётган стол, стул, парта, эшик-ром каби йиғирма турдаги маҳсулотлар сифати ва арзонлиги билан харидорларга манзур бўлмоқда. Корхонага илғор технологияларни жорий этишда Ташқи иқтисодий фаолият миллий банкнинг Андижон вилояти бўлимидан олинган 300 миллион сўмлик кредит қўл келди. Хориждан келтирилган эшик ва ромларга гул босадиган маҳсулус ускуна ёрдамида маҳсулот сифати ва дизайни янада яхшиланди.

ЖАҲОНДА

• Американинг «JetBlue» авиакомпаниясига тегишли «Airbus A320» самолёти Калифорния штатининг Лонг-Бич шаҳридаги маҳаллий аэропортга двигателдаги муаммо сабаб мажбуран қўндирилгач, ҳодисадан жабрланган тўрт нафар йўловчига шошилинч тиббий ёрдам кўрсатилди.

• АҚШнинг Иллинойс штатидаги Жирар шаҳрида жойлашган ўрта мактабнинг 140 нафар ўқувчиси ва катта ёшли кишилар иситиш тизимидаги носозлик сабаб сизиб чиққан ис гази (монооксид углерод)дан заҳарланиб, шифохонага ётқизилган.

• «Фунг-Вонг» тропик довулининг тезлиги соатига 100 километрга етиб, Филиппин шарқидаги Кагаян провинциясида 50 минг нафардан зиёд киши эвакуация қилинган, бир қанча шаҳарларда ер қўқкилари ва сув тошқинларини келтириб чиқарди.

• АҚШнинг Флорида штати шимолидаги Белл шаҳарчасида истикомат қилувчи 51 ёшли Дон Спирит исмли шахс ноқонуний равишда сақлаб келаётган ўқотар қуроли билан тўрт ойликдан ўн ёшгача бўлган олти нафар невараси ҳамда вояга етган қизининг ўлимига сабаб бўлди.

Мамлакатимизда бозор муносабатлари тобора ривожланиб бораётган бугунги кунда хўжалик юритувчи субъектлар ўртасида соғлом рақобат муҳитини қарор топтириш, уларнинг иқтисодий манфаатларини ҳимоя қилишни кучайтириш долзарб аҳамиятга эга. Бу жараёнда субъектларнинг тижорат сири муҳофазаси уларнинг иқтисодий хавфсизлигини таъминлайди.

2014 йил 12 сентябрда эълон қилинган Ўзбекистон Республикасининг «Тижорат сири тўғрисида»-ги қонуни ана шундай муҳим мақсадларни рўйбга чиқаришга хизмат қилади. Мазкур қонун қабул қилингунга қадар тижорат сири соҳасидаги муносабатлар Ўзбекистон Республикасининг Фуқаролик кодекси, «Ахборот эркинлиги принциплари ва кафолатлари тўғрисида»-ги қонун ҳамда бир қатор меъёрий-ҳуқуқий ҳужжатлар билан тартибга солинган. Бироқ ушбу ҳужжатларда ҳуқуқий ёндашувлар турлича бўлиб, тижорат сирини ҳимоя қилиш институтининг мазмуни бир хилда акс этмаган эди.

Бу масаланинг самарали ечимини топиш мақсадида халқаро ҳуқуқнинг умумэтироф этилган принциплари ва нормалари ҳисобга олинган ҳолда «Тижорат сири тўғрисида»-ги қонун ишлаб чиқилди. 21 моддадан иборат мазкур қонун тижорат сирини муҳофаза қилиш ва ундан фойдаланиш соҳасидаги муносабатларни қамраб олган.

Қонунда тижорат сири, тижорат сирининг махфийлиги, тижорат сирининг мулкдори, конфидент, тижорат сирини ошкор этиш ҳамда тижорат сирининг режими каби тушунчаларнинг мазмун-моҳияти тўлиқ очиб берилган. Хусусан, тижорат сири деганда, унинг шахсларга номаълумлиги сабабли фан-техника, технология, ишлаб чиқариш, молия-иқтисодиёт ҳамда бошқа соҳаларда тижорат қиммати эга бўлган, қонун асосда эркин фойдаланилмай-диган ахборот тушунилади.

Тижорат сири махфий бўлиб, унинг тарқалиб кетиши, ошкор этилиши ва ундан рухсатсиз фойдаланилишига йўл қўйилмайди. Шу боис қонун асосида ана шу мақсадга қаратилган тижорат хавфсизлиги кафолати мустақамлан-ди. Тижорат сирига эга бўлган, унга нисбатан тижорат сири режими ўрнатган шахс, табиийки, унинг мулкдори бўлади. Бунда ана шу сирдан фойдаланишни чеклай-

мувофиқ ҳаммага маълум ёки ҳамма учун очик бўлмаслиги керак. Тижорат сирининг махфийлиги муҳофаза қилиш чора-тадбирлари билан таъминланган бўлиши даркор. Шу билан бирга, тижорат сири давлат сирлари ва қонун билан қўриқланадиган бошқа сир белгиларига эга бўлмаслиги керак.

Меҳнат муносабатлари жараёнида тижорат сиридан фойдаланиш

Янги қонун кучга кирди

ИҚТИСОДИЙ ХАВФСИЗЛИК ГАРОВИ

диган ҳуқуқий, ташкилий, техник ва бошқа чора-тадбирларни қўриш тушунилади. Бундай мулкка эга бўлган мулкдор ундан фойдалана-ди ҳамда уни тасарруф этади. Тижорат сири учинчи шахслар томонидан ошкор этилган, қонунга хилоф равишда олинган ёки ундан ноқонуний фойдаланилган ҳолларда мулкдор ўз ҳуқуқларини қонунда белгиланган тартибда ҳимоя қилади. У ўз ҳуқуқлари бузилиши натижасида етказилган зарарнинг ўрни қоплашини талаб қилиши ҳам мумкин.

Қонунда тижорат сирига доир талаблар мустақамланган. Хусусан, тижорат сири учинчи шахсларга номаълумлиги сабабли ўз мулкдори учун ҳақиқий ёки потенциал тижорат қиймати эга бўлиши зарур. У қонун ҳужжатларига

бекор қилиниши мумкин. Бунга меҳнат шартномаси ёки фуқаролик ҳуқуқи шартноманинг бекор қилиниши, тижорат сирини ошкор этмаслик бўйича олинган мажбуриятларнинг бузилиши кабилар асос бўлиши мумкин. Бироқ бу жараён ходими тижорат сирини ошкор этмаслик бўйича ўз зиммасига олган мажбуриятдан озод этмайди.

Хўжалик юритувчи субъектлар ўзаро муносабатларда тижорат сирининг муҳофаза қилинишини таъминлаш даркор. Бунинг учун тарафлар тижорат сирини ташкил этувчи маълумотларнинг тавсифини ва рўйхатини, шунингдек, унинг муҳофаза қилинишини таъминлаш бўйича ўзаро мажбуриятларни алоҳида шартлашиб олиши даркор. Конфидент, яъни тижорат си-

рини унинг мулкдори билан тузилган шартнома асосида эгаллик қилишга ва фойдаланишга олган юридик ёки жисмоний шахс ҳам муҳофаза қилишга масъул.

Суд муҳокамаси чоғида судни ва ишда иштирок этувчи шахсларни тижорат сири билан таништиришга тижорат сирининг мулкдори ёки конфидент даъвогар ёки жавобгар сифатида иштирок этаётган нисонинг мазмунига бево-сита тааллуқли бўлган қисми бўйича йўл қўйилади.

Суднинг тижорат сиридан чекланмаган ҳолда фойдаланишига фақат тижорат сири мулкдорининг ёки конфидентнинг давлат органлари билан низоларида, банкротлик тўғрисида иш қўзғатилганда, тижорат сирининг мулкдори тугатилганда ёхуд унинг фаолияти тугатилганда, тижорат сири ворислик объекти бўлган ворислик ҳуқуқи хусусидаги низоларда, эрхотин ёки улардан бири тижорат сирининг мулкдори бўлганда умумий мол-мулк бўлиниши хусусидаги низоларда, тижорат сирининг мулкдори ва конфидент ҳамда муассислар ўртасидаги низоларда рухсат берилди.

Умуман, мазкур қонунда белгиланган нормаларнинг рўйбга чиқарилиши хўжалик юритувчи субъектлар самарали иш олиб бориши учун қулай шароит яратди. Шунингдек, ахборот технологиялари, ишлаб чиқариш янгиликлари, ноу-хаулар ва инновациялари янада ривожлантиришга рағбатлантирувчи омил бўлиб хизмат қилади. Бу, пировардида, иқтисодиётнинг янада ўсишига ва мамлакатимизнинг рақобат топишига замин яратди.

Зафар РЎЗИЕВ,
Ўзбекистон Республикаси
Президенти ҳузуридаги
Амалдаги қонун
ҳужжатлари мониторинги
институтини бош илмий ходими,
юридик фанлари номзоди
(ЎЗА)

Оилавий тадбиркорлик оила аъзолари томонидан таваккал қилиб ва ўз мулкий жавобгарлиги остида даромад олиш мақсадида амалга ошириладиган ташаббускорлик фаолияти бўлиб, қонунга мувофиқ оилавий тадбиркорлик юридик шахс ташкил этган ёки ташкил этмаган ҳолда амалга оширилиши мумкин. Оилавий тадбиркорлик соҳасидаги муносабатлар Ўзбекистон Республикасининг 2012 йил 26 апрелда қабул қилинган «Оилавий тадбиркорлик тўғрисида»-ги Қонуни асосида тартибга солинди.

ОИЛАВИЙ ТАДБИРКОРЛИК УЧУН КЕНГ ИМКОНИАТЛАР

Оилавий корхоналар ўз фаолиятларини ходимларни ёллаган ҳолда амалга оширишлари мумкин. Оилавий корхона иштирокчиларининг ва унинг ёлланма ходимларининг умумий сони кичик тадбиркорлик субъектлари ходимларининг қонун ҳужжатларида белгиланган ўртача сонидан кўп бўлиши мумкин эмас. Бунда оилавий корхона иштирокчиларининг энг кам сони икки кишидан оз бўлмаслиги кўзда тутилган.

Муомалага лаёқатли, меҳнат қобилияти ёшига тўлган оиланинг барча аъзолари ва бошқа қариндошлари оилавий корхона иштирокчилари бўлишлари мумкин.

Оилавий корхона қонун ҳужжатларида белгиланган тартибда ягона солиқ тўловини тўловчилари бўлиб, оилавий корхонанинг фойдаси солиқлар ва бошқа мажбурий тўловлар тўланганидан кейин унинг иштирокчилари тасарруфига ўтади ҳамда унга солиқ солинмайди.

Оилавий корхона меҳнат ҳақи фондидан ижтимоий фондларга қонун ҳужжатларида назарда тутилган тартибда мажбурий тўловлар тўлайди. Оилавий корхона ўзи ишлаб чиқарган халқ бадийи хунармандчилиги ва амалий санъати буюмларини реализация қилишдан олинган тушум бўйича ягона солиқ тўловини тўлашдан қонун ҳужжатларида белгиланган тартибда озод қилинган. Шунингдек,

оилавий корхонага кичик тадбиркорлик субъектлари учун қонун ҳужжатларида назарда тутилган имтиёзлар, преференциялар ва кафолатлар татбиқ этилади.

Юқоридаги қонуннинг 27-моддасига асосан оилавий корхонанинг молия-хўжалик фаолиятини режал текширишлар кўпи билан тўрт йилда бир марта амалга оширилиши ҳамда янги ташкил этилган оилавий корхонанинг молия-хўжалик фаолияти у давлат рўйхатидан ўтказилган пайтдан эътиборан дастлабки уч йил мобайнида режал текширувлардан ўтказилмаслиги белгиланган.

Юқоридаги қонуннинг яна бир афзаллиги шундан иборатки, оилавий корхона турар жойдан бир вақтнинг ўзида унда истиқомат қилган ҳолда товарлар ишлаб чиқариш учун фойдаланган тақдирда, электр энергияси, сув таъминоти, канализация, газ таъминоти ва иссиқлик таъминоти ҳақини тўлашнинг аҳоли учун белгиланган тарифлар ва шартлар асосида амалга оширилиши белгиланган.

Бугунги кунда Олмazor туманида 50 та оилавий корхона фаолият кўрсатмоқда, улар томонидан оила аъзолари иш билан таъминланиб, ички бозор рақобатдош ва сифатли маҳсулотлар билан тўлдирилмоқда.

Шоҳиста СУЛТАНОВА,
Олмazor тумани ДСИ
шўъба бошлиғи

ВАТАННИ ШАРАФЛАГАНЛАР – ЭЛ-ЮРТ ҲУРМАТИДА

Ана шу қисқа давр ичида юртимиз ҳар бир соҳада юқори даражада ривожланди. Дунё харитасида ўз ўрнига эга бўлган мустақил давлат сифатида шаклланди. Барча соҳалар: фан-таълим, спорт, қурилиш-бунёдкорлик, ишлаб чиқариш, машинасозлик ва бошқа йўналишларда катта ютуқларга эришилди.

Бунда хусусан, спорт соҳасида қўлга киритилган улкан муваффақиятларни алоҳида таъкидлаш лозим.

Ватанимиз номини жаҳон майдонларида муносиб ҳимоя қилиб келаётган ўғлонлардан бири — «Ўзбекистон ифтихори», ФИФА рефериси Равшан Эрматов бугунги кунда дунёнинг энг кучли ҳакамларидан саналади. Р.Эрматов 2010 йили Жанубий Африка Республикасида ва жорий йил Бразилияда бўлиб ўтган жаҳон чемпионатларида муносиб иштирок этиб, ёруғ юз билан юртимизга қайтди. У кетма-кет иккита мундиалда ўтказган ўйинлари билан жаҳон чемпионатлари тарихида энг кўп учрашув бошқарган ҳакам сифатида қайд этилди.

Ўзбек футболининг нуфузини ошириш, миллий футбол ҳакамлари мактабини ривожлантиришга муносиб ҳисса қўшганлиги учун Президентимизнинг 2014 йил 25 июлдаги Фармонида асосан Равшан Эрматов «Эл-юрт ҳурмати» ордени билан тақдирланди.

Яқинда Тошкент Давлат иқтисодиёт университетининг маданият саройида Равшан Эрматов билан учрашув бўлиб ўтди.

«Камолот» ёшлар ижтимоий ҳаракати Тошкент шаҳар ва Чилонзор тумани Кенгашилари ҳамда мазкур университет ҳамкорлигида ташкил этилган тадбирда Ўзбекистон Республикаси Олий таълим вазирлиги мутасаддилари, Ўзбекистон Давлат консерваторияси, Тошкент Давлат шарқшунослик институти, Тошкент Фармацевтика институти профессор-ўқитувчилари ҳамда талаба-ёшлар иштирок этишди.

Учрашувда Р.Эрматов ўзининг шахсий ҳаёти ва касбий фаолияти, жаҳон чемпионатидаги учрашувлар чоғида қалбидан ўтган ҳис-ҳаяжон ва фикрларини йиғилганлар билан ўртоқлашди. Шунингдек, иштирокчилар Осиёнинг тўрт карра энг кучли ҳаками фаолиятига оид расмлар ва видео лавҳа билан танишдилар.

Мамлакатимизни шарафлаш йўлидаги фидокорона меҳнатлари учун Р.Эрматовга Тошкент Давлат иқтисодиёт университети илмий Кенгаши қарори билан «Жисмоний маданият ва спорт» кафедрасининг фахрий профессори унвони берилди.

Тадбирга йиғилганлар ўзларини қизиқтирган саволларига атрофича жавоб олишди.

Абдуалим САЛИМОВ

Сайлов – 2014

МАРКАЗИЙ САЙЛОВ КОМИССИЯСИДА

Хабар қилинганидек, Ўзбекистон Республикаси Марказий сайлов комиссиясининг навбатдаги йиғилиши бўлиб ўтди. Унда 2014 йилда бўлиб ўтадиган сайловларни ёритиш бўйича республика матбуот марказини ташкил этишга оид масала кўриб чиқилди.

Марказий сайлов комиссияси раиси М. Абдусаломов бошқарган йиғилишда сайловлар демократик ҳуқуқий давлатнинг муҳим белгиси, уни юқори савияда ўтказиш ўта муҳим ва ҳал қилувчи аҳамиятга молик масала эканлиги таъкидланди. Айниқса, бу жараёнда ошқораликни таъминлаш фуқароларнинг сайлов ҳуқуқлари тўлиқ таъминланишига, мамлакатимизнинг демократия йўлидан янада тараққий этишига хизмат қилади.

«Ўзбекистон Республикаси Олий Мажлисида сайлов тўғрисида», «Ўзбекистон Республикаси Марказий сайлов комиссияси тўғрисида», «Давлат ҳокимияти ва бошқаруви органлари фаолиятининг очиклиги тўғрисида»-ги Ўзбекистон Республикаси қонунлари ҳамда бошқа қонун ҳужжатлари мувофиқ Марказий сайлов комиссияси 2014 йилги сайлов жараёнини ёритиш бўйича республика матбуот марказини тузиш тўғрисида қарор қабул қилди.

Матбуот марказининг асосий вазифаларидан бири мамлакатимиз ва чет эл оммавий ахборот воситалари ходимларига сайловга тайёргарлик қўриш ва сайлов жараёнини ёритиш, ахборот олиш ва уни тарқатиш учун барча зарур шарт-шароитлар яратишдир. 2014 йилги сайлов жараёнини ёритиш бўйича матбуот маркази Тошкент шаҳри, Навоий кўчаси, 16-уйдаги Ўзбекистон Миллий матбуот маркази биносига жойлаштирилди. Бу ерда журналистларнинг сайлов жараёнининг барча босқичларини самарали ёритиш бора-сидаги фаолияти учун барча шарт-шароит яратилган.

Сайловларнинг боришини ёритиш истагида бўлган оммавий ахборот воситалари вакиллари Марказий сайлов комиссиясида белгиланган тартибда аккредитациядан ўтиши керак. Аккредитациядан ўтиш тартиби билан Ўзбекистон Республикаси Марказий сайлов комиссиясининг www.elections.uz расмий сайти орқали танишиш мумкин. Тегишли тартибда аккредитациядан ўтган журналистлар Марказий сайлов комиссияси томонидан ўтказиладиган брифинг ва матбуот анжуманларида иштирок этиш имкониятига эга бўлади.

Йиғилишда 2014 йилда Ўзбекистон Республикаси Олий Мажлиси, халқ депутатлари вилоят, туман ва шаҳар Кенгашилари сайловида тайёргарлик қўриш ва уни ўтказиш бўйича тадбирлар Дастурида кўзда тутилган бошқа масалалар кўриб чиқилди. Таъкидланганидек, дастур доирасидаги барча тадбирлар сайлов қонунчилиги талабларига қатъий мувофиқ тарзда амалга оширилмоқда.

Мажлисида комиссия ваколатига тааллуқли бошқа масалалар ҳам муҳокама этилди.

ВАЗИФАЛАР БЕЛГИЛАБ ОЛИНДИ

Ўзбекистон Халқ демократик партияси марказий кенгашининг пленуми бўлиб ўтди. Унда депутатлар, партиянинг Қорақалпоғистон Республикаси, вилоятлар ва Тошкент шаҳар кенгашилари мутасаддилари, фаоллари, оммавий ахборот воситалари вакиллари иштирок этди.

Ўзбекистон Халқ демократик партияси марказий кенгаши раиси Ҳ.Кетмович, Ўзбекистон Республикаси Олий Мажлиси Қонунчилик палатаси Спикерининг ўринбосари У.Вафоев ва бошқалар жамиятнинг демократлаштириш ва янгилаш йўлида эришилган натижалар, жумладан, аҳолининг ижтимоий-сиёсий маданияти ҳамда дунёқараётганининг юксалиши ЎзДП олдида ҳам янги вазифалар қўйётганини таъкидлади.

Партия ўтган давр мобайнида электротар маффаатлари жавоб берувчи ижтимоий вазифаларни ҳал этиш бўйича муайян ишларни бажарди. Фуқаролардан партия жамоатчилиги қабулхоналарида 45 мингга яқин мурожаатлар келиб тушди. Қўрилган чора-тадбирлар самарасида бандлик, кредитлар, ижтимоий нафақалар, пенсияларни олишга доир муаммоларни ҳал этиш бўйича мурожаатларнинг қарийб 80 фоизи ижобий ҳал этилди.

Мустақиллик йилларида Ўзбекистон Республикаси Олий Мажлиси, халқ депутатлари вилоят, туман ва шаҳар Кенгашилари эркин, адолатли ва демократик сайловларни очик, ошқора ҳамда транспарентлик асосида ўтказиш учун барча зарур ҳуқуқий асослар яратилди.

Ўзбекистонда 2014 йилнинг 15 сентябридан сайлов кампанияси бошланган эълон қилинди. Тадбирда сайлов жараёнида иштирокчиларни ҳуқуқий маданиятини янада ошириш, сайловчиларнинг сайловларга тайёргарлик қўриш ва уларни ўтказиш тўғрисидаги хабардорлигининг муҳимлигига эътибор қаратилди ва бу борада тегишли вазифалар белгиланган.

Йиғилишда партиянинг ҳудудий ижтимоий-иқтисодий ривожланиш дастурларини ишлаб чиқиш, қабул қилиш ва амалда жорий этиш орқали долзарб ижтимоий муаммоларни комплекс тарзда ҳал қилишда янада фаол иштирок этиши муҳимлиги таъкидланди. Шу боис сайловолди тарғиботи бошланишидан олдин партия ҳужжатларини такомиллаштириш ва уларда мамлакатни ижтимоий-иқтисодий ҳамда ижтимоий-сиёсий ривожлантириш масалалари бўйича ЎзДПнинг позициясини акс этиш зарурлиги қайд этилди.

(ЎЗА)

Диққат, викторина!

«СИЗ ТОШКЕНТНИ БИЛАСИЗМИ?»



Савол:

Тошкентда Мустақиллик ва Эзгулик монументи қачон бунёд этилган?

Мустақил Ўзбекистонимиз танлаган ўз тараққиёт йўлидан дадил одимлаб, юксак марраларни эгалламоқда. Истиқлол йилларида Президентимиз раҳнамолигида мамлакатимизнинг барча ҳудудларида бўлгани каби, пойтахтимиз Тошкент шаҳрида ҳам улкан бунёдкорлик ишлари олиб борилди ва изчил давом эттирилмоқда. Барпо этилаётган маданий-маъмурий иншоотлар, турар жойлар, йўллар ва кўприклар, хиёбонлар, фавворалар, қайта таъмирланиб, янгича ҳусну тароват касб этган қадимий обидалар, қадамжолар гўзал ва бетакор шаҳримиз кўрғига кўрк кўшмоқда.

Пойтахтимиз жамолини кундан кунга оцаётган ободонлаштириш ва кўкаламзорлаштириш ишларининг катта ижтимоий ва тарбиявий аҳамиятини, кенг кўламли ўзгариш ва янгиланишлар энг буюк нёъмат — Мустақиллик берган имкониятларнинг амалдаги самараси эканини, ватанпарварлик она юртни ўрганишдан бошланишини инobatга олиб, Тошкент шаҳар ҳокимлиги ва «Тошкент оқшоми» — «Вечерний Ташкент»

газеталари тахририяти «Сиз Тошкентни биласизми?» викторинасини ўтказадди.

Викторинада барча газетхонлар, пойтахт аҳолиси ва меҳмонлар ёши ва маълумотидан қатъий назар, иштирок этишлари мумкин.

Газеталарнинг ҳар сониди битта викторина саволи эълон қилинади. Кўрсатилган манзилга энг аввал етган тўғри жавоб ғолиб саналади.

Ҳар ўн та саволдан кейин энг кўп тўғри жавоб йўллаган ғолиб аниқланади.

Ғолибларга қимматбаҳо совғалар топширилади.

Викторинанинг мутлоқ ғолиби Ўзбекистон Республикаси давлат мустақиллигининг 24 йиллиги арафасида аниқланади.

Викторина жавоблари «Тошкент оқшоми» — «Вечерний Ташкент» газеталари тахририятига ёки gazetavto@mail.uz, info@tashkent.uz электрон манзилларига йўлланиши лозим.

Мурожаат учун телефонлар: 233-29-33, 233-29-55, 233-45-84.

МАҲОРАТЛАРИНИ
НАМОЁН ЭТИШДИ

Мудофаага кўмаклашувчи «Ватанпарвар» ташкилоти Сергели ўқув спорт-техника клуби унитар корхонасида тумандаги ўрта махсус, касб-хунар таълими муассасаларида таҳсил олаётган ўқувчилар ўртасида «Мерган – 2014» спорт мусобақаси ўтказилди.

Тадбир «Камолот» ёшлар ижтимоий ҳаракати Сергели туман Кенгаши ва Ўзбекистон Мудофаасига кўмаклашувчи «Ватанпарвар» ташкилоти Сергели ўқув СТК унитар корхонаси билан ҳамкорликда Ўзбекистон Республикаси Президентининг жорий йил 6 февралдаги «Ўзбекистон Республикасида ёшларга оид давлат сиёсатини амалга оширишга қаратилган кўшимча чора-тадбирлар тўғрисида»ги Қарориди белгиланган вазифалар ижросини таъминлаш мақсадида ташкил этилди.

Мусобақада Ўзбекистон Мудофаасига кўмаклашувчи «Ватанпарвар» ташкилоти Сергели ўқув СТК унитар корхонаси бошлиғи Саидқаром Ғаниев ҳамда «Камолот» ёшлар ижтимоий ҳаракати туман Кенгаши раиси Азиз Болтаходжаевлар сўзга чиқиб, глобаллашув даврида ёшларни турли зарарли таъсирлардан, бузғунчи ғоялардан асраш мақсадида, уларнинг спорт турларига бўлган қизиқишларини ошириш, она Ватанига бўлган меҳр-муҳаббатини юксалтириш, уларни ватанпарварлик руҳида тарбиялаш, жисмоний чиниқтиришга эътибор қаратиш муҳим аҳамиятга эгалигини таъкидлаб, мусобақани очиб беришди.

— Мусобақани ўтказишдан асосий мақсад ўрта махсус, касб-хунар таълими муассасалари ўқувчиларини закиривга қадар бошлангич тайёрлаш тизимини такомиллаштиришга қаратилган чора-тадбирларни амалга оширишдан иборат, — дейди «Камолот» ёшлар ижтимоий ҳаракати Сергели туман Кенгаши бош мутахассиси Шухрат Каримов. — Шу билан бирга тарбияси оғир болалар, нотинч ва муҳити оғир бўлган оила фарзандлари бўйича манзилли ишлаш тизимини янада такомиллаштириш, тумандаги корхона ва ташкилотларда иш фаолиятини олиб бораётган ёшлар орасида спортга қизиқишни кучайтиришга эътибор қаратишдир.

Тирда ўқ отиш бўйича ўтказилган мусобақа натижаларига кўра 1-ўринни Сергели саноат, 2- ва 3-ўринларни Тошкент молия ва иқтисодиёт коллежи жамоалари эгаллади.

21-сонли мусиқа ва санъат мактаб ўқувчилари томонидан ўзбек миллий чолғу асбобларидаги музика қишлар барчага манзур бўлди.

Тадбир якунида иштирокчиларга ташкилотчилар томонидан эсдалик совғалари ва дипломлар топширилди.

Зарина РУСТАМОВА

РЕКЛАМА ВА ЭЪЛОНЛАР

«Ko'chmas mulk savdo xizmati» МЧЖ Тошкент шаҳар филиали бошлангич баҳоси босқичида босқич охири бориш тартибидида ўтказиладиган очик аукцион савдосига таклиф этади!

Савдога «SOVPLASTITAL» ОАЖ Кузатув кенгашининг 2014 йил 28 майдаги 14-сонли баённомаси ва 2014 йил 16 сентябрдаги 121/пр-сонли буйруғига асосан, «SOVPLASTITAL» ОАЖга тегишли Сиддарё вилояти, Гулистон шаҳри, Охунбобоев кўчасида жойлашган умумий ер майдони 48,40 кв.м, қурилиш майдони 36,88 кв.м бўлган дўкон (дорихона) биноси қўйилмоқда.

Бошлангич баҳоси — 35 803 457 сўм.

Савдо 2014 йил 21 октябрь кунини соат 12:00 да бўлиб ўтади. Аризалар расмий иш кунлари соат 10:00 дан 16:00 гача қабул қилинади (13:00 дан 14:00 гача тушлик). Аризаларни қабул қилишнинг охири мuddати: 2014 йил 17 октябрь кунини соат 18:00.

Юқоридаги кўчмас мулк 2014 йил 21 октябрь кунини сотилмаган тақдирда, такрорий савдолар 2014 йил 4, 11, 18, 25 ноябрь ва 2, 9, 16 декабрь кунлари соат 12:00 да ўтказилади. Аризаларни қабул қилиш: 2014 йил 4 ноябрдаги такрорий савдолар учун 31 октябрь кунини соат 18:00; 11 ноябрдаги савдолар учун 7 ноябрь кунини соат 18:00; 18 ноябрдаги савдолар учун 14 ноябрь кунини соат 18:00; 2014 йил 25 ноябрдаги такрорий савдолар учун 21 ноябрь кунини соат 18:00; 2 декабрдаги савдолар учун 28 ноябрь кунини соат 18:00; 9 декабрдаги савдолар учун 5 декабрь кунини соат 18:00; 16 декабрдаги савдолар учун 12 декабрь кунини соат 18:00 да ўтказилади.

Савдо ғолибига 10 иш кунини ичида сотувчи билан олди-сотиш шартномаси тузиш мажбурияти юклатилади. Сотувчи томонидан мулклар учун тўловлар амалга ошириш мuddати олди-сотиш шартномаси тузилганда белгиланади.

Талабгорлар объект бошлангич баҳосининг 10 фоизидан кам бўлмаган миқдорда закалат пулини ОАИКБ «Ипак йўли банк» Сағбон филиалидаги: 20208000204920609019, МФО: 01036, СТИР: 207122519 х/рга тўлашлари шарт. Тел: 236-38-28, www.1kms.uz Лицензия RR-0001. Манзил: Тошкент шаҳри, Миробод тумани, Истикбол кўчаси, 34-уй.

WMF йўналиши бўйича муайтай Ассоциациясия (ИНН 207002002)га Ўзбекистон Республикаси Адлия вазирлиги томонидан 2009 йил 3 июнда берилган 705 сон рақамли гувоҳномаси йўқолганлиги сабабли

БЕКОР ҚИЛИНАДИ

ЎЗГИДРОМЕТ
ХАБАР ҚИЛАДИ
Тошкент шаҳрида 24 сентябрь кунини ҳаво бир оз ўзгариб туради, ёғингарчилик бўлмади. Шарқдан секунди-га 7-12 метр тезликда шомол эсади. Ҳарорат кечаси — 14-16, кундузи — 28-30 даража иссиқ бўлади. Ўзгидрометнинг моститоринг хизмати мавлудомети кўра, 24 ва 25 сентябрь эрталаб Тошкент шаҳрининг об-ҳаво шароити шаҳар ҳаво муҳитида зарарли моддаларнинг йиғилишига имконият яратди, ифосланган даражаси паст бўлади.

(Газетанинг навбатдаги сони 25 сентябрда чиқади)

Спорт янгиликлари

ЎЗБЕКИСТОН СПОРТЧИЛАРИНИНГ
ДАСТЛАБКИ МЕДАЛЛАРИ

ИНЧЕОН. ЎЗА махсус мухбири Меҳрибон МАМЕТОВА хабар қилади.

Ўзбекистонлик спортчилар XVII ёзги Осиё ўйинларида фаол иштирок этиб, яхши натижаларга эришмоқда.

Мусобақанинг дастлабки кунларида спортчиларимиз сузиш ва эшак эшиш бўйича саралаш босқичларидан муваффақиятли ўтди. Теннис бўйича эркаклар терма жамоамиз Саудия Арабистони терма жамоасини мағлубиятга учратиб, чорак финалга чиқди. Энди улар Жанубий Корея терма жамоаси билан куч синашади.

Оғир атлетика бўйича вазни 48 килограммгача бўлган хотин-қизлар мусобақасида ҳамюртимиз Махлиё Тоғаева ажойиб натижа кўрсатди. Иккикураш бўйича 187 килограмм натижага эришиб, де-

легациямиз ҳисобига дастлабки бронза медални келтирди.

— Бундай йирик спорт мусобақасида терма жамоамиз ҳисобига дастлабки медални келтирганимдан хурсандман, — дейди М.Тоғаева. — Осиё ўйинларидаги муваффақиятим мамлакатимизда спортни ривожлантириш, ёш ва иқтидорли спортчиларга қаратилган улкан эътибор самарасидир.

Дзюдо бўйича ўтган беллашуларда муваффақиятли иштирок этган Мирзохид Фармонов ҳам бронза медални кўлга киритди.

— Терма жамоамиз медаллар шодасига ўз ҳиссамини қўшганимдан бахтиёрман, — дейди М.Фармонов. — Биринчи ўринни эгаллашни жуда хоҳлагандим, аммо омад этишмади. Олдинда дзюдо бўйича Тошкентда бўлиб ўтадиган Гран-при баҳслари ва бошқа нуфузли беллашулар кутмоқда.

Спортчиларимиз велоспорт, футбол, гандбол, ўқ отиш, сузиш, теннис ва бошқа спорт турлари бўйича баҳсларни давом эттирмоқда.

(ЎЗА)

БОКСЧИЛАРИМИЗНИНГ
МУВАФФАҚИЯТЛАРИ

Яқинда Россиянинг Махачқалъа шаҳрида Магомед-Салам Умаханов хотираси учун бокс бўйича халқаро турнир бўлиб ўтди.

Мазкур мусобақада Ўзбекистон терма жамоасининг кучли вакиллари ҳам рингда кўтарилишди. Чемпионатда спортчилар 5 та вазн тоифасида ғолиблик учун кураш олиб боришди.

Терма жамоамиз аъзоси, 69 килограммгача вазн тоифасидаги боксчимиз Муслимбек Олимов ярим финал баҳсида мусобақа мезбонларидан Исмаил Илиев билан рингда рўбарў келиб, имкониятни бой бериб қўйди ва жамоага дастлабки бронза медалини келтирди.

49 килограммгача вазн тоифасидаги мохир чарм кўлқоп устаси Камол Мелиев финал йўлланмаси учун кечган учрашувда қозғис-тонлик Рашид Салауатовни 3:0 ҳисобида мағлуб этди. Олтин медаль учун кечган жангда россиялик Басизбек Баратовдан 2:1 ҳисобида устун келгани ҳолда халқаро хотира турнирининг ғолибига айланди.

Ярим финалда бразилиялик Майк Карвалони доғда қолдириб, финалга йўл олган кучли боксчиларимиздан бири, 75 килограммга Шухрат Абдуллаев ҳал қилувчи беллашувида россиялик Магомед Мадиев билан бахш юритди ва биринчи раунднинг ўзида техник нокаут билан зафар кучиб, шохсупанинг энг юқори поғонасига кўтарилди.

Ёкутистонда эса бокс бўйича талабалар ўртасида жаҳон чемпионати якунланди. Унда Ўзбекистон терма жамоасидан етти та вазн тоифаси бўйича кучли боксчиларимиз рингда кўтарилишди. Мазкур мусобақада 14 давлатдан 130 нафар кучли чарм кўлқоп усталари иштирок этди.

Спортчиларимиздан уч нафари совриндорлар сафидан жой олишга муваффақ бўлишди. 64 килограммгача вазн тоифасида рингда кўтарилган боксчимиз Шахрам Ғиёсов финалда қозғис-тонлик Маулен Оскенбекка қарши беллашди. Шахрам ҳал қилувчи жангда бор иқтидорини тўлиқ намойиш этиб, якунда 3:0 ҳисобида муваффақият қозониб, жаҳон чемпиони деган шарафли номни кўлга киритди.

Яна бир мохир спортчимиз Мирзобек Ҳасанов (91 кг) финал баҳсида белоруссиялик Сергей Корнеев билан рингда тўқнаш келди ва шиддатли беллашув якунида имкониятни бой бериб, кумуш медаль билан тақдирланди.

Терма жамоамизга битта бронза медалини Улуғбек Ҳақбердиев (75 кг) тақдим этди. У ярим финалда россиялик Сухроб Сидиковга очколар ҳисобида кичик фарқ билан имкониятни бой берди.

Самандар БОБОРАЖАБОВ

Тошкент оқшоми

Манзилимиз: 100029,
Тошкент шаҳри,
Матбуотчилар кўчаси, 32

ТЕЛЕФОНЛАР:
Эълонлар: 233-28-95,
факс: (371) 233-29-55

2007 йил 19 январда Тошкент шаҳар
Матбуот ва ахборот бошқармасида
02-1-рақам билан рухсатга олинган

Нашрни етказиб бериш масалалари бўйича турар жойлардаги почта бўлимларига ёки
«Тошкент почтамтига» — 233-74-05 телефонига мурожаат қилишингиз мумкин.

Газета тахририят компьютер марказида терилди ва саҳифаланди.

МУАССИС: ТОШКЕНТ ШАҲАР
ҲОКИМЛИГИ

Бизнинг электрон манзил:
gazeta-vto@mail.uz

Буюртма Г- 955

Душанба, сешанба, чоршанба,
пайшанба ва жума кунлари чиқади
Нашр кўрсаткичи — 563

Ҳажми — 2 босма табоқ, офсет усулида босилади.
5779 нусхада босилди.
Қўғоз бичими А-2

Топшириш вақти: 13.00

Нашр учун масъул
Д. Исроилов

Босишга топширилди: 13.50

«Шарқ» нашриёт-матбаа акциядорлик
компанияси босмаҳонаси. Корхона
манзили: Буюк Турон кўчаси, 41-уй

Бош муҳаррир
Акмал АҚРОМОВ